



Doris Jakobsen
Siumut

Apeqqummut akissut: Angajoqqaat inissiamik amigaateqartut meerartaat pinngitsaaliissummik arsaarinnissutigineqartarneri Inatsimmi atuuttumi tunngavissaqarpa?

27.10.2008
J.nr. /2008

Aallarniutigalugu kingusinaartumik akissuteqarneq ajuusaarutigineqarpoq. Ootlook-imut nuuttoqarnera pissutigalugu taamaalinerani apeqqutigineqartoq Naalakkersuisoqarfimmit tiguneqarsimangilaq.

Postboks 260
3900 Nuuk
Oq/tel +299 34 50 00
Fax +299 32 55 05
ilapi@gh.gl
www.nanoq.gl/ilapi

Allakkanni 1. september 2008-meersumi aammalu Inatsisartut suleriaasianni § 36 naapertorlugu aperivutit inatsimmi atuuttumi tunngavissaqarneris, angajoqqaat inissiamik amigaateqarneranni meeqqat pinngitsaaliissummik arsaarinnissutigineqarsinnaanersut.

Siullermik erseqqissarneqassaaq inissiisarnerit assigiinngitsut pineqartarmata:

1. Angajoqqaatut oqartussaassuseqartup akuersineratigut inissiineq
2. Angajoqqaatut oqartussaassuseqartoq akuersiteqqaarnagu inissiineq
3. Nammineq aaqqiissuteqarnikkut ilaqutariinnut inissiineq

Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15.april 2003-meersaq naapertorlugu akuersisoqqaartinnagu meeqqat inissinneqarsinnaapput, meeqqap peqqissusaata imaluunniit ineriartornerata ilungersunartumik ajoquserneqarsinnaanera ulorianartorsiorpat, meeraq naammangitsumik paaqqutarineqarsimappat isumagineqarsimappalluunniit, persuttaaneq allatigulluunniit ilungersunartumik innarliineq, atonerluinermik ajornartorsiutit, pinerluttutut pissusilersornerit imaluunniit meeqqap inooqataanerani ajornartorsiutit allat pissutaappata, takuuk Meeqqanik inuusuttunillu ikiorsiisarneq pillugu Inatsisartut peqqussutaanni nr. 1, 15.april 2003-meersumi § 10.

Qulaani taaneqartut arlaat pissutaasimappat akuersisoqqaartinnagu taamaallaat inissiisoqartarpoq. Angajoqqaat inissiamik amigaateqarsimappata meeqqamik isumaginninniarnerat aamma ajornarnerulissaaq, kisiannili akuersisoqqaartinnagu inissiiniarnermut tamanna kisimi tunngaviusinnaangilaq.

Inissiinerit Naalakkersuisunut nalunaarutiginnissaat kommunit pisussaaffigaat. Nalunaarutigineqartut akornanni inissaaleqineq pissutigalugu akuersisoqqaartinnagu inissiisoqarsimangitsoq Naalakkersuisut paasissutissiissutigissavaat. Naggataatigut oqaatigineqassaaq inissiinerit

amerlanerpaartaat angajoqqaatut oqartussaassuseqartup
akuersissuteqaqqaarneratigut pisarmata, tassalu kommuni angajoqqaallu
suleqatigiinnerisigut.

Inussiarnersumik inuulluaqqusillunga

Arkalo Abelsen